

山谷外集詩註

山谷外集詩註卷第十一

徐孺子祠堂

香木幽人三畝宅

洪州南昌縣徐孺子宅在州東北三里孺子美

德於福宅東立宅

後漢徐穉傳郭林宗有母憂穉往弔之置生芻一束於

膝蘿得意干雲日

後漢丁鴻傳干雲蔽日之木起於葱青

蕭鼓何心進酒樽白屋可能無孺子

文選樂府云周公下白屋吐哺不及餐

黃堂不是欠陳蕃

本傳陳蕃爲大守不接賓客唯釋來特設一榻後漢郭
丹傳以丹事編署黃堂以爲後法注黃堂大守廳事
古人冷淡今人笑湖水年年到舊痕

杜詩江流復舊痕

送徐隱父宰餘干

餘干隸饒州

地方百里諸侯國翻手冰霜覆手炎

漢陸賈謂尉佗曰越殺王降漢如反覆手耳老杜詩翻
手作雲覆手雨

贅壻得牛庭少訟

舊唐書

長江齊專人業中爲武易令元武除鄭受人有

以牯牛依其婦家者八九年牛孳生十餘頭及將異居婦家不與累政不能決其人詣武陽質於允濟允濟令左右縛牛主以衫蒙其頭將至村中云捕盜牛賊召村中牛悉集問所從來妻家不知其故指其所訴牛曰此女婿家牛也非我所知允濟發蒙曰此即女婿以牛歸之妻家叩頭伏罪

長官齋馬吏爭廉

舊唐書馮元淑傳則天時歷浚儀始平二縣令未嘗以妻子之官所乘馬午後不剪云令其作齋身及奴僕日一食而已

邑中丞掾陰桃李案上文書略米鹽

米鹽見上

治狀要湏聞豈弟此行端爲霽威嚴
漢魏相傳爲霽威嚴

天上麒麟來下瑞

南史徐陵傳陵年數歲釋寶誌摩其頂曰天上石麒麟
也韓詩黃至行生祥下瑞無時期

江南橘柚間生賢玉臺書在猶騷雅

玉臺新詠徐陵所編也

孺子亭荒只草煙

見上

半世功名初墨綬

後漢志千石六百石墨綬

同兄文字敵青錢

同兄疑舛誤唐張薦傳祖鷺字文成負半千稱鷺文詞
猶青銅錢萬選萬中時号青錢學士

割雞不合庖丁手

割雞焉用牛刀也

家傳風流更著鞭

著鞭見上家傳言其家世也詩中皆用徐姓事

答德甫弟

烏啼花發獨愁思

楊太真傳明皇云烏啼花落水綠山青

憐子三章怨慕詩

孟子曰怨慕也

鴻鴈雙飛彈射下脊令同病急難時

詩常棟鶴鴒在原兄弟急難

功名所在猶爭死意氣相湏尚不移

文選輕死重氣結黨連群意氣相湏當是相傾大白扶
風豪上歌意氣相傾山可移

何況極天無以報

詩欲報之德昊天罔極

林回投璧負嬰兒

見上元注云時以父事兄弟俱在縲紲

何造誠作浩然堂陳義甚高然頗喜度世飛昇之
說築屋飯方士願乘六氣遊天地間故作浩然詞

二章贈之

公欲輕身上紫霞

黃庭經上清紫霞虛皇尊

瓊漿玉饌厭豪奢

瓊漿見上吳郡賦珠服玉饌

百年世路同朝菌

莊子朝菌不知晦朔

九輪天闕守夜叉

夜叉守門見上

霜檜左紉空白鹿

寰宇記譙縣太清宮有檜樹鹿跡存焉范文正公太清宮九詠序左紉檜其一也石曼卿詩引太清記云老子手植此檜根株枝幹皆左紉

金鑪同契漫丹砂

魏伯陽撰參同契其書論丹砂秘訣

要令心地閑如水萬物浮沉共我家

心地見上

萬物浮沉共我家清明心水徧河沙

傳灯錄張拙頌云光明寂照徧河沙凡聖含靈共我家

無鉤狂象聽人語

佛遺教經汝等當好制心心之可畏甚於毒蛇惡獸怨
賊大火越逸未足喻也譬如狂象無鉤猿猴得樹騰躍
蹕踣難可禁制當急挫之無令放逸縱此心者喪人善

事

露地白牛看月斜

見第二卷注

小雨呼兒執桃李踈簾幃客轉琵琶塵二三昧開門戶不用丹田養素霞

華嚴經有利二塵二第十會祖庭事苑三昧者三之曰正昧之曰定亦云正受謂正定不亂能受諸法黃庭經廻紫抱黃入丹田詩意勸以釋氏三昧勿學道家修養之法

題前定錄贈李伯牖

五賊追奔十二宮

維摩經云樂離五欲樂觀五陰如怨賊五陰即心經五蘊皆空也色受想行識是爲五陰東坡詩君知五蘊都是賊十二宮即十二辰也

白頭寒士黑頭公

晉王珣與謝玄俱爲桓溫所重溫曰王掾當作黑頭公
明朝一飯先書籍

前定錄韓晉公滉在中書嘗召一吏不時至將撻之吏
曰某不幸兼屬陰司主三品以上食料公曰若然吾明
日當何食吏請疏於帝明旦旣對適太官進饌麋上以
半賜公食之美又賜焉退而腹脹進橘皮湯夜啗漿水
粥及旦視其書皆如其說因問以人間所食皆有籍耶
對曰然三品以上日支五品旬支六品至九品季支庶
人歲支

安用研桑作老翁

班固賓戲研桑心計許見第四卷注

萬般盡被鬼神戲看取人間傀儡棚

樂府雜錄傀儡起漢平城之圍陳平訪知閼氏妬忌造
木偶運機閼舞墀間閼氏望見謂是生人慮下城冒頓
必納之遂退軍後翻爲戲舊唐書樂志云又有窟儡子
等戲

煩惱自無安脚處從他鼓笛弄浮生

傳灯錄梁寶誌丁讚云衆生身同大虛煩惱何處安脚
駐輿遣人尋訪後山陳德方家

江雨濛濛作小寒雪飄五老髮毛斑

五老峯見上

城中咫尺雲橫樓獨立前山望後山

池口風雨留三日

孤城三日風吹雨小市人家只菜蔬水遠山長雙鬢玉

上林賦鴻鵠鵠鵠駕鵠屬玉注云屬玉似鴨而大長頸

赤目

身閑心苦一春鋤

爾雅鷺春鋤

翁從旁舍來收網

漢高紀高祖適從旁舍來

我適臨淵不羨魚

薰仲舒策臨淵羨魚不如退而結網

悅仰之間已陳迹

王逸少蘭亭懷飲序向之所所悅仰之間以爲陳迹

莫窻歸了讀殘書

首句蓋用杜詩小市常爭米孤城早閉門

揚州戲題

已見前集

思親汝州作

此詩與第一卷還家呈伯氏同意已注其歲月

歲晚寒侵遊子衣

遊子身上衣見上

拘畱幕府報官移

呈伯氏詩云強移手板汝陽城更責愆期被訶詬此事

獨見於此兩詩

五更歸夢三百里一日思親十二時

復齋謾錄云唐朱晝詩曰一別一千日一日十二憶苦

心無閑時今日見玉色乃知山谷五更歸夢三百里一日

思親十二時之句取此

車上吐茵元不逐

漢丙吉傳吉為丞相取吏嗜酒數步蕩嘗從吉出醉吐丞相車上西曹主吏白欲斥之吉曰以醉飽失去士使此人將復何所容西曹第忍之此不過汙丞相車茵耳遂不去也時富韓公以前宰相判汝州詩意謂丞相初不以此為罪而或謬之三人成虎耳

市中有虎竟成疑

見第一卷注

秋毫得失閑何事總為平安書到遲

次韵戲荅彦和

元注云彦和年四十弃官杜門不出

本不因循老鏡春江湖歸去作閑人天於万物定貧我
莊子大宗師篇子桑曰吾思夫使我至此極者而弗得
也父母豈欲吾貧哉天無私覆地無私載天地豈貧我
哉

智効一官全爲親

莊子逍遙篇云知効一官行比一鄉後漢毛義家貧以
孝行稱張奉慕其名往候之坐定而府檄適至以義守
令義奉檄喜動顏色奉心賤之辭去及義母死去官行
服數辟公府公車徵不至奉乃歎曰賢者固不可測往
日之喜乃爲親屈也

布袋形骸增礪磊

傳灯錄明州奉化縣布袋和尚形裁腰腰蹙額瞠腹腰